

Thursday, June 26, 2025

Time - 2:30pm - 2:35pm

**AKASHVANI AIZAWL**  
**REGIONAL NEWS UNIT**



**WORLD DRUG DAY 2025**

Khawvel puma Ruihhlo hman Khawloh leh Tawlhruk Dona Ni "International Day Against Drug Abuse and Illicit Trafficking, 2025" pualin Mizoram hmun hrang hrangah hun hman a ni.

He ni pual hian vawiin khan Social Welfare Minister Pi Lalrinpuii chuan Synod Revival Camping Centre, Neihbawih ah hun a hman pui a, Ruihhlo thatlohna hrang hrang te leh a nghawng pawl dan inzirtir a ni.

Excise & Narcotics Department chuan vawiin khan Muallungthu ah Ruihhlo an man sa an hal ral a, he hun hi Lunglei West MLA Pu T. Lalhlimpuia chuan a telpui a ni.

Tukin khan "International Day Against Drug Abuse and Illicit Trafficking, 2025" pual hian Hnahthial District ah kawngzawh huaihawt a ni a, Govt. High School leh Higher Secondary School zirlai naupangte nen an sikul kawt atanga Bazar Venga Field thleng kawng zawhin ruihhlo hman sual dona kawngah theih tawp chhuah turin inzirtirna hun buatsaih a ni.

Lunglei ah pawh tukin khan he ni pual hian Branch YMA ten kawngzawhin Old Tennis Court-ah an in tawkhawm a, hetah hian Lunglei DC Pi Navneet Maan chuan inkhawm kaihuaiin Police SP leh E&N Deptt Asst. Commissioner ten hun an hmang a, Drugs do nan a intihsiakna hrang hrang lawmman te sem a ni. Hemi hnu hian Police ten Heroin an man tawh sa Gram 316.58, cheng vbch 8, sing 78,850 man hu chu Judicial Magistrate 1st Class in phalna a pek ang in Drugs disposal Committee Lunglei chuan AP Tlanga Incinerator-ah an halral a ni.

Excise Commissioner Pu Z. Lalhmangaiha chuan Akashvani News nen an inkawmna ah Mizoramah ruihhlo a hluar chhan ber chu state thenawma Golden Triangle atanga Mizorama awlsam taka ruihhlo a luh vang a ni a ti a, Kohhran, sorkar leh NGO chuan ruihhlo do turin theihtawp an chhuah tih sawiin mipuite tanruul a ngaih thu a sawi a, Ruihhlo do kawngah tha thlah a nih chuan Mizoram dinhmun a thim hle dawn tih a sawi bawh.

Excise & Narcotics department chuan kumin May ni 31 thleng khan heroin kg 16 leh gram 171 bakah zu leh ruihna chi hrang hrang an man tawh a, ND&PS Act, 1985 hnuaiha mi 409 man a nih tawh thu leh case 214 ziahluh a ni tawh a. MLP Act 2019 hnuaiha mi 2,422 man a ni a, case 2,715 ziahluh a ni tawh bawh.



**CM ON ILP**

Chief Minister Pu Lalduhoma'n Inner Line Permit (ILP) thi hnua rei tak Mizorama chambang an awm thin thu sawiin ILP chu online hmanga kalpui thuai a ni dawn a ti a, ILP thi tawh te a hriat zung zung theih tawh dawn a ni a ti.

He thu hi nimina Art & Culture Department buatsaih Samvidhan Hatya Diwas pual inkhawm a hmanpuinaah Chief Minister chuan a sawi a, India Danpui hnuaiha hnamdang Mizorama lut tur lo danna, ILP chu khauh zawkin Mizoram sorkarin a kalpui tawh dawn tih sawiin, Union Home Minister Pu Amit Shah leh Mizoram Governor te hnenah ILP tel lova Mizorama lo lut an tam thu leh an permit tawp hnu pawha rei tak Mizorama la awm te, ILP hmanga Mizorama lo lutte chu an lo luh chhan anga an sawi ni lo, eizawna dang kalpui an awm a, khualzin anga lo lut, inhlawhfa leh sumdawna kalpui te an awm avangin, Mizoram sorkar chuan khauh zawkin ILP kalpui a tum tih a hrih a, anni pawn an remtihpui tih a sawi a ni.

Chief Minister chuan ILP chu online a kalpui turin hma an la mek a, an peihfel tep tawh tih sawiin, online a an kalpui a nih chuan tu ILP nge thi tawh tih te a hriat zung zung theih dawn a ni a ti a, Dan lova Mizorama lo lutte lo khawitute chu Mizo te vek an ni a, Mizote sum leh pai dinhmun tichhetu an nih avangin hetiang laka inthiarfilhim turin Chief Minister chuan mi tin a chah bawh a ni.

Chief Minister chuan Inner Line Permit (ILP) chu tih danglam emaw tih bo emaw a nih dawn chuan Mizoram sorkarrawn a ni ang tih sorkar laipui nen inremna an siam a, hei hi mi tam takin dik lo takin an hrilhfiah thin niin a sawi a, Mizoram sorkar remtihna tel lo chuan ILP paih a ni dawn lo, a nghet tawk a ni ti a sawi thin chu thudik lo a ni tih sawiin, Mizoram chu remtihna pek ni lovinrawn a ni dawn chauh tih a sawi bawk.



## **UG RESULTS DECLARED**

Mizoram University hnuafia Under Graduate exam result vawiina tihchhuah ah zirlai exam zinga za zela 75.75 an pass.

Undergraduate Exam ah hian Zirlai 4461 in Exam an hmachhawn a, zirlai 3515 an hlawhtling a, Result tihchhuah takah hian Bachelor of Arts ah zirlai exam 3759 zingah 2946 an pass a, Science ah zirlai exam 431 zinga 320 ten hlawhtlinna an chang a, Commerce ah Exam 260 zinga 241 pass in Home Science ah zirlai exam 11 zinga 8 te an pass bawk a ni.

Bachelor of Arts ah hian Lalremsiama, Pachhunga University College-a Political Science Department ami chu a pumpuiah pakhatna a ni a, B. Sc ah Yerrabelli Dedeepya Reddy, Pachhunga University College-a Biotechnology Department ami chu pakhatna niin Commerce ah R. Lalngaihawmi, HATIM ami chu pakhatna a ni a, Home Science ah Zirtiri Residential College ami Mary Lalawmpuii pakhatna a ni.

MZU Controller of Examinations Prof. Lalnuntluanga chuan Zirlai hlawhtlinna chang ta te a lawmpuithu sawiin, ram leh hnam tana an thiamnate chhenfakawm taka hmang turin duhsakna a hlan a, hlawhtlinna la chang rih lote pawh hun lo kal leh tur atana inbuatsaihna tha zawk nena exam hmachhawn turin a chah bawk a ni.



## **AIR NEWS ON SOCIAL MEDIA**

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah thin a ni.

Zanin dar 6 leh a chanve-ah Chanchinthar puan leh a ni ang.



## **AXIOM-4 MISSION**

Axiom-4 space mission astronaut kah chhuah zingah India astronaut Subhanshu Shukla chu Group Captain niin kum 41 hnuua India mi vansanga kah chhuah lehna hmasa ber a ni.

Axiom-4 mission astronaut pali chhuanna Falcon 9 rocket chu nimin chhun dar 12 khan Florida NASA Kennedy Space Center atangin kah chhuak a ni a. India Space Research Organisation (ISRO) tarlan danin, vawiin tlai dar 4:30 hian Axiom-4 hian International Space Station (ISS) a thleng ang.

**(Newsonair)**

